

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԳԻՏԱԿԱՆ ԽՈՐՀՐԴԻ  
ՈՐՈՇՈՒՄ N 13/1

ք. Երևան

26 մայիսի 2020թ.

«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԱՇԽԱՏՈՂՆԵՐԻՆ ԱՇԽԱՏԱՆՔԻ ՈՐՈՇ ՏԵՍԱԿՆԵՐԻ ԿԱՏԱՐՄԱՆ ՀԱՄԱՐ ՎՃԱՐՎՈՂ ԼՐԱՎՃԱՐՆԵՐԻ ՀԱՇՎԱՐԿՄԱՆ ԵՎ ՎՃԱՐՄԱՆ ԿԱՐԳԸ» (ՆՈՐ ԽՄԲԱԳՐՈՒԹՅԱՄԲ) ՀԱՍՏԱՏԵԼՈՒ ԵՎ ԵՊՀ ԳԻՏԱԿԱՆ ԽՈՐՀՐԴԻ 2019թ. ՀՈՒՆԻՍԻ 27-Ի ԹԻՎ 12/3 ՈՐՈՇՄԱՄԲ ՀԱՍՏԱՏՎԱԾ «ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԱՇԽԱՏՈՂՆԵՐԻՆ ԱՇԽԱՏԱՆՔԻ ՈՐՈՇ ՏԵՍԱԿՆԵՐԻ ԿԱՏԱՐՄԱՆ ՀԱՄԱՐ ՎՃԱՐՎՈՂ ԼՐԱՎՃԱՐՆԵՐԻ ՀԱՇՎԱՐԿՄԱՆ ԵՎ ՎՃԱՐՄԱՆ ԿԱՐԳԸ» ՈՒԺԸ ԿՈՐՑՐԱԾ ՃԱՆԱՉԵԼՈՒ ՄԱՍԻՆ

Ղեկավարվելով «Երևանի պետական համալսարան» հիմնադրամի կանոնադրության 49-րդ կետի 4-րդ ենթակետով և Երևանի պետական համալսարանի գիտական խորհրդի կանոնակարգի 4-րդ կետի 4-րդ ենթակետով, հիմք ընդունելով հարցման կարգով իրականացված քվեարկության արդյունքները՝ Երևանի պետական համալսարանի գիտական խորհուրդը որոշում է.

1. Հաստատել «Երևանի պետական համալսարանի աշխատողներին աշխատանքի որոշ տեսակների կատարման համար վճարվող լրավճարների հաշվարկման և վճարման կարգը (նոր խմբագրությամբ)»՝ համաձայն հավելվածի:

2. Ուժը կորցրած ճանաչել ԵՊՀ գիտական խորհրդի 2019թ. հունիսի 27-ի թիվ 12/3 որոշմամբ հաստատված «Երևանի պետական համալսարանի աշխատողներին աշխատանքի որոշ տեսակների կատարման համար վճարվող լրավճարների հաշվարկման և վճարման կարգը»:

3. Սահմանել, որ սույն որոշմամբ հաստատված կարգի դրույթները տարածվում են 2020թ. սեպտեմբերի 1-ից հետո կատարված աշխատանքների վրա:

4. Սույն որոշումն ուժի մեջ է մտնում հրապարակման պահից:

ԵՊՀ ԳԻՏԱԿԱՆ ԽՈՐՀՐԴԻ ՆԱԽԱԳԱՀ՝

Գ. Գ. ԳԵՎՈՐԳՅԱՆ

Հաստատված է  
ԵՊՀ գիտական խորհրդի  
2020թ. մայիսի 26-ի թիվ 13/1 որոշմամբ

ԵՊՀ գիտական խորհրդի նախագահ  
Գ. Գ. Գևորգյան  
«26» մայիսի 2020թ.

## Կ Ա Ր Գ

### ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԱՇԽԱՏՈՂՆԵՐԻՆ ԱՇԽԱՏԱՆՔԻ ՈՐՈՇ ՏԵՍԱԿՆԵՐԻ ԿԱՏԱՐՄԱՆ ՀԱՄԱՐ ՎՃԱՐՎՈՂ ԼՐԱՎՃԱՐՆԵՐԻ ՀԱՇՎԱՐԿՄԱՆ ԵՎ ՎՃԱՐՄԱՆ (ՆՈՐ ԽՄԲԱԳՐՈՒԹՅԱՄԲ)

#### 1. ԸՆԴՀԱՆՈՒՐ ԴՐՈՒՅԹՆԵՐ

1.1. Սույն կարգը սահմանում է Երևանի պետական համալսարանի (այսուհետ՝ ԵՊՀ) ֆակուլտետների, ինստիտուտների, կենտրոնների (այսուհետ՝ ստորաբաժանում) աշխատողներին աշխատանքի որոշ տեսակների կատարման համար վճարվող լրավճարների հաշվարկման և վճարման կարգն ու պայմանները:

1.2. ԵՊՀ աշխատողներին լրավճարը վճարվում է գիտահետազոտական, ուսումնամեթոդական, կազմակերպչական աշխատանքների որոշ տեսակների կատարման համար՝ սույն կարգով սահմանված ընթացակարգով և չափերով:

1.3. Սույն կարգով սահմանված լրավճարներ ստանալու համար պահանջվող տվյալները դիտավորյալ կեղծելու դեպքում, տվյալ աշխատողը զրկվում է սույն կարգի համաձայն լրավճար ստանալու իրավունքից՝ 3 տարի ժամկետով:

#### 2. ԳԻՏԱՀԵՏԱԶՈՏԱԿԱՆ ԳՈՐԾՈՒՆԵՈՒԹՅԱՆ ՈՐՈՇ ՏԵՍԱԿՆԵՐԻ ԿԱՏԱՐՄԱՆ ՀԱՄԱՐ ՎՃԱՐՎՈՂ ԼՐԱՎՃԱՐՆԵՐԻ ՀԱՇՎԱՐԿՄԱՆ ԵՎ ՎՃԱՐՄԱՆ ԿԱՐԳԸ

2.1. ԵՊՀ աշխատողներին գիտահետազոտական գործունեության որոշ տեսակների կատարման համար վճարվում են լրավճարներ՝ համաձայն Աղյուսակ 1-ի.

Աղյուսակ 1

Հ/Հ	ԳԻՏԱՀԵՏԱԶՈՏԱԿԱՆ ԳՈՐԾՈՒՆԵՈՒԹՅԱՆ (ԱՇԽԱՏԱՆՔԻ) ՆԿԱՐԱԳԻՐԸ	ՄԻԱՎՈՐ ԱՇԽԱՏԱՆՔԻ ԳԻՆԸ (D-Ն) (ՀՀ ԴՐԱՄ)	ՄԵԿ ԱՇԽԱՏՈՂԻՆ ՀԱՍԱՆԵԼԻՔ ԼՐԱՎՃԱՐԻ ԶԱՓԸ ԵՎ ԴՐԱ ՎՃԱՐՄԱՆ ԿԱՐԳԸ
1.	Հողվածի տպագրում ազդեցության գործակցով գիտական պարբերականներում	220000	D-ն բաժանած ՀՀ քաղաքացի համահեղինակների թվին
2.	Հողվածի տպագրում <a href="#">«Web of Science» (Science Citation Index Expanded,</a>	110000	D-ն բաժանած ՀՀ քաղաքացի համահեղինակների թվին

	<a href="#">Social Sciences Citation Index, Arts &amp; Humanities Citation Index, Emerging Sources Citation Index</a> կամ «Scopus» շտեմարաններում ընդգրկված գիտական պարբերականներում		
3.	Հոդվածի տպագրում <a href="#">«Web of Science» (Russian Science Citation Index)</a> շտեմարանում ընդգրկված գիտական պարբերականներում (բացառապես ոչ բնագիտական մասնագիտությունների դեպքում)	110000	D-ն բաժանած ՀՀ քաղաքացի համահեղինակների թվին
4.	Հոդվածի տպագրում «ԵՊՀ տեղեկագիր», «Բանբեր Երևանի համալսարանի» և «Հայագիտության հարցեր» գիտական պարբերականներում	90000	D-ն բաժանած ՀՀ քաղաքացի համահեղինակների թվին
5.	Հոդվածի տպագրում ՀՀ ԲՈԿ-ի կողմից երաշխավորված հայաստանյան գիտական պարբերականներում կամ ԵՊՀ հրատարակած և ԲՈԿ-ի կողմից երաշխավորված գիտական ժողովածուում <sup>1</sup>	45000	D-ն բաժանած ՀՀ քաղաքացի համահեղինակների թվին
6.	Սույն Աղյուսակի 1-5 կետերից որևէ մեկի պահանջներին բավարարող հոդվածի տպագրում արտասահմանյան <sup>2</sup> համահեղինակ(ներ)ի հետ	Սույն Աղյուսակի 1-5 կետերից որևէ մեկով սահմանված գումարին ավելացվում է 30000	D-ն բաժանած ՀՀ քաղաքացի համահեղինակների թվին
7.	Հոդվածի տպագրում արտասահմանյան ԲՈԻՀ-ի կամ գիտահետազոտական ինստիտուտի գիտական պարբերականներում	45000	D-ն բաժանած ՀՀ քաղաքացի համահեղինակների թվին
8.	Մենագրության հրատարակում (ծավալը՝ առնվազն A5 ձևաչափով 120 էջ, երկու մասնագիտական գրախոսություն և համապատասխան ստորաբաժանման գիտական խորհրդի երաշխավորությունը որպես մենագրություն)	300000	D-ն բաժանած ՀՀ քաղաքացի համահեղինակների թվին
9.	Դոկտորական ատենախոսության պաշտպանություն	450000	D-ն վճարվում է դոկտորական ատենախոսություն պաշտպա-

<sup>1</sup> ԵՊՀ հրատարակած և ՀՀ ԲՈԿ-ի կողմից երաշխավորված գիտական ժողովածու ու մ հոդվածների հաշվարկում մը և դրանց համապատասխան վճարում մը գործել ու Է մինչ և 2020-2021թթ. ու սու մական տարվա ավարտը:

<sup>2</sup> Արտասահմանյ ան Է համարվում մ պ և համահեղինակը, ով որոպս սըխառնքի վպ ը նշել Է արտասահմանյ ան գիտակրթական կազմակերպութ թյ ու և

			նող աշխատողին
10.	Պաշտպանությունից առաջ վերջին երկու տարում ԵՊՀ-ում առնվազն 20 ամիս աշխատած հայցորդի (ասպիրանտի) ատենախոսության ղեկավարում	150000	D-ն վճարվում է հայցորդի (ասպիրանտի) ղեկավարին
11.	Պաշտպանությունից առաջ վերջին երկու տարում ԵՊՀ-ում առնվազն 20 ամիս աշխատող և 35 տարին չլրացած հայցորդի (ասպիրանտի) ատենախոսության պաշտպանություն	150000	D-ն վճարվում է թեկնածուական ատենախոսություն պաշտպանող աշխատողին
12.	Պրոֆեսորի կամ դոցենտի գիտական կոչման ստացում	150000	D-ն վճարվում է պրոֆեսորի կամ դոցենտի գիտական կոչում ստացած աշխատողին

2.2. Աղյուսակ 1-ի 1-7-րդ կետերով սահմանված գումարները վճարվում են ԵՊՀ այն աշխատողին, ով տպագրված հոդվածում որպես իր աշխատավայր նշել է ԵՊՀ-ն և հնարավորության դեպքում նաև [ysu.am](http://ysu.am) համացանցային տիրույթում գրանցված իր էլեկտրոնային փոստի հասցեն:

2.3. Եթե հոդվածի հեղինակը որպես իր աշխատավայր նշել է մեկից ավելի կազմակերպություններ, ապա նրան վճարվում է հասանելիք գումարի կեսը:

2.4. Մի քանի կետերի համապատասխանող աշխատանքի համար հեղինակին վճարվում է գումարի առավելագույն չափ սահմանող կետով:

2.5. Աղյուսակ 1-ի 8-12-րդ կետերով սահմանված գումարները վճարվում են միայն ԵՊՀ հիմնական աշխատողներին:

2.6. Աղյուսակ 1-ում սահմանված աշխատանքների կատարման համար, ԵՊՀ աշխատողին վճարվող լրավճարի տարեկան առավելագույն չափը չի կարող գերազանցել 1500000 (մեկ միլիոն հինգ հարյուր հազար) ՀՀ դրամը:

2.7. Աղյուսակ 1-ի 1-8-րդ կետերով սահմանված աշխատանքների համար լրավճարները վճարվում են, եթե այդ աշխատանքները մինչև ընթացիկ տարվա օգոստոսի 31-ը մուտքագրվել են ԵՊՀ աշխատողների հաշվետվությունների էլեկտրոնային շտեմարանում ([www.intranet.yso.am](http://www.intranet.yso.am)), իսկ 9-12-րդ կետերով սահմանված աշխատանքների համար՝ պահանջվող փաստաթղթերը մինչև ընթացիկ տարվա օգոստոսի 31-ն առձեռն ներկայացվել են ԵՊՀ գիտական քաղաքականության վարչություն:

2.8. Աղյուսակ 1-ի 9-րդ, 11-րդ, 12-րդ կետերով սահմանված աշխատանքները հաշվառելու համար ԵՊՀ հիմնական աշխատողը ԵՊՀ գիտական քաղաքականության վարչություն է ներկայացնում դիպլոմի կամ վկայականի պատճենը:

2.9. Աղյուսակ 1-ի 10-րդ և 11-րդ կետերով սահմանված աշխատանքները հաշվառելու համար ԵՊՀ հիմնական աշխատողը ԵՊՀ գիտական քաղաքականության վարչություն է ներկայացնում ատենախոսության սեղմագիրը, ատենախոսությունը պաշտպանած հայցորդի (ասպիրանտի)՝ գիտությունների թեկնածուի դիպլոմի պատճենը և համապատասխան տեղեկանք Անձնակազմի կառավարման բաժնից:

2.10. ԵՊՀ գիտական քաղաքականության վարչությունը, հավաստիանալով ներկայացված փաստաթղթերի համապատասխանության մեջ, կազմում և ԵՊՀ ռեկտորի հաստատմանն է ներկայացնում ԵՊՀ աշխատողներին լրավճար տրամադրելու մասին հրամանի նախագիծը:

2.11. Աղյուսակ 1-ում սահմանված աշխատանքների կատարման համար ԵՊՀ աշխատողին լրավճարը վճարվում է յուրաքանչյուր տարվա դեկտեմբեր ամսվա ընթացքում:

**3.ՈՒՍՈՒՄՆԱՄԵԹՈՂԱԿԱՆ ԳՈՐԾՈՒՆԵՈՒԹՅԱՆ ՈՐՈՇ ՏԵՍԱԿՆԵՐԻ ԿԱՏԱՐՄԱՆ ՀԱՄԱՐ ՎՃԱՐՎՈՂ ԼՐԱՎՃԱՐՆԵՐԻ ՀԱՇՎԱՐԿՄԱՆ ԿԱՐԳԸ**

3.1. ԵՊՀ աշխատողներին ուսումնամեթոդական գործունեության որոշ տեսակների կատարման համար վճարվում են լրավճարներ՝ համաձայն Աղյուսակ 2-ի.

**Աղյուսակ 2**

Հ/Հ	ՈՒՍՈՒՄՆԱՄԵԹՈՂԱԿԱՆ ԳՈՐԾՈՒՆԵՈՒԹՅԱՆ (ԱՇԽԱՏԱՆՔԻ) ՆԿԱՐԱԳԻՐԸ	ՄԻԱՎՈՐ ԱՇԽԱՏԱՆՔԻ ԳԻՆԸ (D-Ն) (ՀՀ ԴՐԱՄ)	ՄԵԿ ԱՇԽԱՏՈՂԻՆ ՀԱՄԱՆԵԼԻՔ ԼՐԱՎՃԱՐԻ ՀԱՇՎԱՐԿՄԱՆ ԵՎ ԴՐԱ ՎՃԱՐՄԱՆ ԿԱՐԳԸ
1.	ՀՀ ԿԳՄՄՆ կողմից երաշխավորված բուհական դասագրքի հրատարակում	300000	D-ն բաժանվում է ՀՀ քաղաքացի (համա)հեղինակների թվին
2.	ԵՊՀ-ում օտարալեզու կրթական մոդուլի ներդնում	1 կրեդիտին համարժեք արժեքը՝ 30000	D-ի և կրեդիտների արտադրյալը բաժանվում է (համա)հեղինակների թվին
3.	ԵՊՀ աշակերտական օլիմպիադաների կազմակերպում	Յուրաքանչյուր առարկայից մեկ օլիմպիադայի արժեքը՝ 75000 գումարած յուրաքանչյուր մասնակցի համար՝ 750	D-ն ֆակուլտետի դեկանի զեկուցագրի համաձայն բաժանվում է կազմակերպիչների միջև
4.	ԵՊՀ ուսանողական օլիմպիադաների կազմակերպում	Յուրաքանչյուր առարկայից մեկ օլիմպիադայի արժեքը՝ 100000 գումարած յուրաքանչյուր մասնակցի համար՝ 1000	D-ն ֆակուլտետի դեկանի զեկուցագրի համաձայն բաժանվում է կազմակերպիչների միջև
5.	Հանրապետական օլիմպիադաների կազմակերպում	Յուրաքանչյուր առարկայից մեկ օլիմպիադայի արժեքը՝ 100000 գումարած յուրաքանչյուր	D-ն ֆակուլտետի դեկանի զեկուցագրի համաձայն բաժանվում է կազմակերպիչների միջև

		մասնակցի համար՝ 1000	
6.	Միջազգային առարկայական ուսանողական օլիմպիադաներին ԵՊՀ ուսանողների նախապատրաստում և մարզում	Մեկ առարկայի համար՝ 450000	D-ն ֆակուլտետի ղեկանի գեկուցագրի համաձայն բաժանվում է մարզիչների միջև
7.	ՈՒԳԸ-ի գիտական ղեկավարում	մինչև 150000	D-ն վճարվում է ֆակուլտետի ՈՒԳԸ-ի գիտական խորհրդրդատուին՝ ՈՒԳԸ ղեկավարման տարեկան հաշվետվությունը սահմանված կարգով հավանության արժանանալու դեպքում
8.	ՈՒԳԸ-ի տարեկան գիտաժողովի նյութերի ժողովածուում ԵՊՀ ուսանողի կողմից հրապարակված աշխատանքի ղեկավարում	Մեկ աշխատանքը՝ 15000	Աշխատողին վճարվում է D-ի և ղեկավարած աշխատանքների քանակի արտադրյալը

3.2. Աղյուսակ 2-ի 1-ին կետով սահմանված աշխատանքի կատարման համար հատկացվող լրավճարը վճարվում է, եթե այդ աշխատանքը մինչև ընթացիկ տարվա օգոստոսի 31-ը մուտքագրվել է ԵՊՀ աշխատողների հաշվետվությունների էլեկտրոնային շտեմարանում ([www.intranet.ysu.am](http://www.intranet.ysu.am)):

3.3. Աղյուսակ 2-ի 2-7-րդ կետերով սահմանված աշխատանքները հաշվառելու համար աշխատողը մինչև ընթացիկ տարվա սեպտեմբերի 15-ը ԵՊՀ համապատասխան պրոռեկտորին է ներկայացնում կատարված աշխատանքների վերաբերյալ ֆակուլտետի ղեկանի գեկուցագիրը՝ կցելով համապատասխան հիմքերը: Աղյուսակ 2-ի 7-րդ կետի հավաստման հիմք է հանդիսանում ֆակուլտետի ՈՒԳԸ գիտական խորհրդատուի հաշվետվությունը՝ ստորագրված ֆակուլտետի ՈՒԳԸ գիտական խորհրդատուի և ՈՒԳԸ նախագահի կողմից:

3.4. Աղյուսակ 2-ի 1-ին և 3-8-րդ կետերով սահմանված գումարները վճարվում են միայն ԵՊՀ հիմնական աշխատողներին:

3.5. Աղյուսակ 2-ի 1-8-րդ կետերով սահմանված աշխատանքների կատարման համար, ԵՊՀ աշխատողին վճարվող լրավճարի տարեկան առավելագույն չափը չի կարող գերազանցել 600000 (վեց հարյուր հազար) ՀՀ դրամը:

3.6. ԵՊՀ ուսումնամեթոդական վարչությունը հավաստիանալով ներկայացված փաստաթղթերի համապատասխանության մեջ կազմում և ԵՊՀ ռեկտորի հաստատմանն է ներկայացնում ԵՊՀ աշխատողներին լրավճար տրամադրելու մասին հրամանի նախագիծը:

3.7. Աղյուսակ 2-ի 1-8-րդ կետերով սահմանված աշխատանքների կատարման համար ԵՊՀ աշխատողին լրավճարը վճարվում է յուրաքանչյուր տարվա ղեկտեմբեր ամսվա ընթացքում:

#### **4.ՈՒՍԱՆՈՂՆԵՐԻ ՀԱՐՑՄԱՆ ԱՐԴՅՈՒՆՔՆԵՐՈՎ ՎՃԱՐՎՈՂ ԼՐԱՎՃԱՐՆԵՐԻ ՀԱՇՎԱՐԿՄԱՆ ԿԱՐԳԸ**

4.1. Ուսանողների հարցման արդյունքներով ԵՊՀ դասախոսներին, բացառությամբ՝ ժամավճարային հիմունքներով աշխատողների, անցկացվող մրցույթի արդյունքներով վճարվում է լրավճար՝ համաձայն 4.2.-4.4.-րդ կետերով սահմանված կարգի:

4.2. Յուրաքանչյուր ուսումնական կիսամյակ ուսանողների հարցման արդյունքներով մրցույթն անցկացվում է նախորդ ուսումնական կիսամյակի արդյունքների հիման վրա: Մրցույթին մասնակցում է միայն այն դասախոսը, ում գնահատել է առնվազն 25 ուսանող:

4.3. ԵՊՀ-ում ուսանողների հարցման արդյունքներով կազմակերպվող մրցույթի մասնակից դասախոսները բաժանվում են երեք ենթախմբի.

ա) Առաջին ենթախմբում անցկացվող մրցույթին մասնակցում է այն դասախոսը, ում դիտարկվող ուսումնական կիսամյակում գնահատել է 25-50 ուսանող: Այս ենթախմբում մրցույթին մասնակցած և առավելագույն միավորներ ունեցող 30 դասախոսների (գումարած կիսանցողիկ միավորներ ունեցող դասախոսների թիվը) վճարվում է լրավճար՝ նրանց մեկ ամսվա դասախոսական աշխատավարձի 50 տոկոսի չափով:

բ) Երկրորդ ենթախմբում անցկացվող մրցույթին մասնակցում է այն դասախոսը, ում դիտարկվող ուսումնական կիսամյակում գնահատել է 51-100 ուսանող: Այս ենթախմբում մրցույթին մասնակցած և առավելագույն միավորներ ունեցող 25 դասախոսների (գումարած կիսանցողիկ միավորներ ունեցող դասախոսների թիվը) վճարվում է լրավճար՝ նրանց մեկ ամսվա դասախոսական աշխատավարձի 60 տոկոսի չափով:

գ) Երրորդ ենթախմբում անցկացվող մրցույթին մասնակցում է այն դասախոսը, ում դիտարկվող ուսումնական կիսամյակում գնահատել է 101 և ավելի թվով ուսանող: Այս ենթախմբում մրցույթին մասնակցած և առավելագույն միավորներ ունեցող 15 դասախոսների (գումարած կիսանցողիկ միավորներ ունեցող դասախոսների թիվը) վճարվում է լրավճար՝ նրանց մեկ ամսվա դասախոսական աշխատավարձի 70 տոկոսի չափով:

Եթե սույն կետի «ա», «բ», «գ» ենթակետերի կիրառման արդյունքում ֆակուլտետի որևէ դասախոս չի ընդգրկվում լրավճար ստացողների ցանկում, ապա սվյալ ֆակուլտետում առնվազն 25 ուսանողի կողմից գնահատված և առավելագույն միավոր ունեցող մեկ դասախոսի վճարվում է լրավճար՝ նրա մեկ ամսվա դասախոսական աշխատավարձի 50 տոկոսի չափով:

4.4. Ուսանողների հարցման արդյունքում լավագույն ճանաչված համահամալսարանական ամբիոնի մեկ դասախոսի (գումարած կիսանցողիկ միավորներ ունեցող դասախոսների թիվը) վճարվում է լրավճար՝ նրա մեկ ամսվա դասախոսական աշխատավարձի 60 տոկոսի չափով:

4.5. ԵՊՀ ուսումնամեթոդական վարչությունը ամփոփում է ուսանողների հարցման արդյունքներով անցկացված մրցույթը և ԵՊՀ ռեկտորի հաստատմանն է ներկայացնում ԵՊՀ աշխատողներին լրավճար տրամադրելու մասին հրամանի նախագիծը:

4.6. Ուսանողների հարցման արդյունքներով ԵՊՀ աշխատողին լրավճարը վճարվում է յուրաքանչյուր տարվա դեկտեմբեր և հունիս ամիսներին: